



# Synfocity = 552

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 23146483<sup>rd</sup> September, 2015**Finance Committee vawi 114-na**

Vawiin (Sept. 3, 2015) chawhma dar 10:00 khan J.M. Lloyd Hall, Synod Office-ah Synod Finance Committee a thu. He Committee hi a vawi 114-na niin Moderator Rev. Lalrinmawian a kaihruai a, member 35 an kal a ni.

Tun tum thutkhawmah hian Synod Hospital Charity Fund hmuh leh hman chungchang te, Foreign Contribution Head tihpun rawtna te, Synod Financial Rules enthat rawtna te, Guwahati Biak In hmun leina tur chungchang te leh thil pawimawh engmaw zat ngaihtuah a ni.

Secretary Report atanga a lan danin kum 2014 - 2015 Synod Accounts Chartered Accountant Audit Reports dawn a nih tawh thu te, Bial Inkhawmpui Rorel bawhzuiin Pastor Bial 5-ah Finance Campaign/Synod Sum Vawn Dan Training luang taka neih a nih tawh thu te ngaihthlak a ni.

Finance Officers' Report atanga a lan danin April, 2015 atanga August, 2015 chhunga sum hmuh tawh chu Pastoral-ah Rs.30,99,67,427/- (Nuai sangthum sawmkua pakua sing ruk sang sarih zali sawmhni leh pasarih) a ni a, Mission lamah Rs.24,20,33,415/- (Nuai sanghni zali sawmhni sing thum sang thum zali sawm leh panga) hmuh tawh a ni. A vawiin Pastoral leh Mission sum hmuh belhkhawm chu Rs. 55,20,00,842/- (Nuai sangnga zanga sawmhni zariat sawmli leh pahni) a ni a, chu chu budget pum pui atangin za zela 33.51 a ni.

Presbytery huapa sum chhun luh tawh chinah a sang ber chu Aizawl Bethel Presbytery an ni a, Rs. 5,93,51,322/- (Nuai zanga sawmkua pathum singnga sangkhat zathum sawmhni leh pahni) an chung lut tawh a, a dawttu chu Aizawl Central Presbytery niin Rs. 5,59,40,829/- (Nuai zanga sawmnga pakua singli zariat sawmhni leh pakua) an chung lut tawh a ni.

**Synod Hospital**

September 2, 2015 (Thawhlehi) khan Kal-a lungte awm chhut kehna khawl (Lithotripsy) chu Synod Moderator, Rev. Lalrinmawian Pathian hnenah a hlan.

Kum 2014 Synod inkhawmpui-in a lo rel tawh angin Kal-a lungte awm chhut kehna khawl (Lithotripsy) Dornier Sigma, German siam chu India rama an supplier Healthcare, Kolkata hnen atangin chu Rs. 85,68,693/- lei a ni a, hemi khawlin a mamawh C-Arm X Ray khawl pawh installment in lei a ni tawh baw a, tunah chuan hman theih a peih fel a ni ta a, dam lo pahni pawh he khawl hmang hian hlawhtling taka enkawl an ni tawh a ni.

**Beihruai**

Presbyterian Kohhran chuan September 1, 2015 atangin khan Beihruai thla an hmang tan a. September 1 - 6 chhung hian 'Ramthar Hapta' hman a ni ang a, September 21 - 27 hian 'Kristian Chhungkaw Hapta' hman a ni baw ang. September 27-ah 'Nu leh Pa Ni leh Kristian Chhungkaw Ni' hman a ni ang. Beihruai hi kum 1918 June thla atanga hman tan a ni a, kum 1925 atangin September thlaah neih thin a ni ta a, kum 1947 atangin Nilai Zan Thupui Bu leh Beihruai Thupui hi bu khata siam tan a ni.

**Zin**

- September 1 - 6, 2015 chhung hian Chaltlang South Kohhran-ah Crusade neih a ni a, hemi hunah hian Rev. Lalzuihang, Senior Executive Secretary chu Speaker a ni.

- September 5 - 6, 2015 chhung hian Bungtlang Bial Rawngbawtu Retreat neihpui turin Rev. Lalramliana Pachuau, Executive Secretary a kal ang

- September 2 - 6, 2015 chhung hian Tuirial Airfield Kohhran-ah Crusade nei turin Dr. Robert S. Halliday, Superintendent, Synod Office a kal.

**MSSU**

September 5 & 6, 2015 chhung hian N. Khawlek Kohhran-ah Sunday School Zirtutu Training neih a ni dawn a, hemi neihpui tur hian Pu Lalthahluna Ralte, MSSU Asst. Coordinator leh Upa Lalchhuanawma, Zuangtui (MSSU Trainer) te an kal ang. Zan Pathian biak inkhawmah fanau enkawl chungchang thuchah an sawi baw ang.

**Kohhran Hmeichhia**

September 4 - 6, 2015 chhung hian NEICCAWA intlawhtawn Programme hmangin Garo Baptist Convention, Tura-ah Pi Lalbiaksangi leh Pi Lalbiakhluni (Comt. Members) te an kal ang a, Inrinni zan leh Pathianni chhunah Pathian thuchah an sawi ve ve baw ang.

**Synod Mission Board**

- September 3 - 10, 2015 chhung hian Arunachal East leh West-ah Field Committee nei turin Upa Lalrinmuana, Coordinator SMB, Rev. C. Zoramawia leh Upa F. Lalfakzuala te an kal ang.

- September 1 - 6, 2015 chhung Ramthar Hapta hmang turin Falkawn Kohhran-ah Rev. Lalchhuanmawia, Secretary SMB, Pu K. Ronghaka leh Upa Vanlalchhunga te an kal.

- September 4 - 6, 2015 chhung Ramthar Hapta hmang turin Hmunghak Kohhran-ah Upa H. Lalchungnunga kal ang.

- Synod Mission Board hnuaiah thawktu Missionary 1642 leh Field Worker 789 awmin, an vawiin 2431 an awm mek a ni.

**Synod-in chhawmdawlina pe**

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Thingsai	Leimin Tuar	2	Rs. 18,000/-
2.	ITI Veng	Leimin Tuar	2	Rs. 16,000/-
3.	Khawrihnim	Rethei	1	Rs. 20,000/-
4.	Bawngkawn Hmar Veng	Ruahsur nasa tuar	1	Rs. 10,000/-
5.	Bawngkawn East	Ruahsur nasa tuar	6	Rs. 48,000/-
6.	Bawngkawn East	Hliam tuar	2	Rs. 4,000/-
7.	Vairengte Hmar Veng	Leimin tuar	1	Rs. 10,000/-
8.	Ramrikawn	Leimin tuar	1	Rs. 10,000/-
9.	Putlungasih	Damlo/Rethei	1	Rs. 8,000/-
10.	Zawlpui	Damlo/Rethei	1	Rs. 8,000/-
<b>TOTAL</b>				<b>Rs. 1,52,000/-</b>

Contd..

- **Kristian Thalai Pawl**  
September 12, 2015 (Inrinni) zan hian Durtlang Branch chuan Diamond Jubilee an lawm dawn a, hemi hunah hian Upa Zonunmawia, General Secretary leh Coordinator CKTP in Hawna leh thuchah a sawi ang a, a tuk Pathianni (September 13) zanah Rev. J. Lalremsiama, Leader CKTP leh Bialtu ni bawk-in Thuchah a sawi ang a, Synod Choir ten hun an hmang bawk ang.
- **Education**  
Report thar bera a lan danin Presbyterian English School-ah Zirlai zawng zawng 24,436 an awm a. Zirtirtu – 1245 awmin thawktu dang mi 85 an awm mek a ni.
- **Campus Ministry**  
September 4, 2015(Zirtawpni) hian Health Worker Training School, Kulikawn Hmunthar-ah Bible Study neihpui turin an kal ang.
- **MTC**  
August 31, 2015 Ramthar Ni hmangin Missionary Training College atangin Short Course Missionary Training lai leh MTC Faculty thenkhatten Kohhran 6-ah hun an hmang.
- **Hruaina Eng FM Radio & TV Programme**
  - ◆ **SEPTEMBER 4, 2015 (FM ZOAWI AIZAWL @ 7:30 P.M.)**  
**Mizoram Synod Choir** - Lalpa fakin kan zai ang, **Henry Varte** - Khawvel hi bo mahse, **Drama Short Play** - Bethlehem Venglai North KTP - Duli bo, **Mizo Cardinal Choir** - Lawmthu kan hrilh che, Zoremi Ralte, Ruth CVL Muanpuii & RC Lalruatdika - Harhna Ropui
  - ◆ **SEPTEMBER 4, 2015 (FM LUNGLEI @ 7:30 P.M.)**  
**Mizoram Synod Choir** - Lalpa fakin kan zai ang, **Henry Varte** - Khawvel hi bo mahse, **Drama Short Play** - Bethlehem Venglai North KTP - Duli bo, **Mizo Cardinal Choir** - Lawmthu kan hrilh che, Zoremi Ralte, Ruth CVL Muanpuii & RC Lalruatdika - Harhna Ropui
  - ◆ **SEPTEMBER 6, 2015 (Tv Programme) @ 3:00 p.m)** :Weekly Round Up, KTP Aizawl East Presbytery Meet
- **Susamachar Prasaran Programme**
  - ◆ **SEPTEMBER 6, 2015 (Pathianni) 5:00 pm.:**  
**Group/Choir/Solo** : Siyon Swaram - Bharat Desh Mahan, **Group/Choir/Solo** : Kristian Centre Zaipawl - Hawale, **Sermon** : Zohmingthanga - Atmik Yudh, **Group/Choir/Solo** : Chanmari Masihi Sangati - Aaradhana, **Group/Choir/Solo** : Aizawl West Area Choir - Bharat Desh Mahan
- **Moderator Programme**  
Synod Moderator Rev.Lalrinmawia chuan tunkar tawpah hetiang hian hun a hmang ang :
  - ◆ September 4, 2015 (Zirtawpni) Zan - Sateek Kohhran
  - ◆ September 5, 2015 (Inrinni) Zan - Ramhlun Vengthar Kohhran, Ramhlun Vengthar Bial
  - ◆ September 6, 2015 (Pathianni) Chawhma - Chaltlang South Kohhran, Chaltlang Bial
  - ◆ September 6, 2015 (Pathianni) Chawhnu - Lily Veng Kohhran, Chaltlang Bial
  - ◆ September 6, 2015 (Pathianni) Zan - Chaltlang Kohhran, Chaltlang Bial

### HRIATTIRNA

Synod Information and publicity Department chuan ram pum huap Kohhran Pavalai Pawl tan Quiz a buatsaih dawn a, Kohhran Pavalai Pawl zawng zawng te tel turin kan sawm e.

1. Quiz tan hun : November 5, 2015(Ningani) Zan
2. Quiz a tel tum te chu September 30, 2015 ral hmain Coordinator, Synod Information & Publicity Dept. hnenah ziakin in report tur a ni a, contact No. dah tel tur a ni ang.
3. Inelna tur Subject: a) Bible (Mizo (Lushai) OV Reference) - First Round : Marka, Second Round : Galatia leh Ephesi ; Final : Jakoba  
b) Mizoram Presbyterian Kohhran, Presbyterian Handbook (Revised & Enlarged 2014); Round tinah telh vek a ni ang.
4. Lawmman : Pakhatna Rs. 80,000/-, Pahnih Rs. 50,000/- Pathum Rs. 30,000/-  
(Top 10 chin te Consolation Prize Rs. 3,000/- theuh pek an ni ang)
5. Quiz-ah hian zawhna chhang tur bik mi pahnih leh a tawiawm tur mi 10 aia tam lo tel theih a ni ang a, a tawiawmtute hi zawhna zawh ve thin an ni ang a, hei hi point-ah belh tel vek tur a ni ang.
6. Quiz neihna hmun tur Zosaphluia Building Top Floor, Mission Veng, Aizawl.

### HRIATTIRNA

Synod buatsaih Gospel Camping chu September 8-13, 2015 chungin Synod Revival Camping Centre-ah neih leh tur a ni a, speaker atan Pu Pu K. Lalngaihawma, Milungngaite Thian Team a ni ang. Camp lut duh te chu mahni Kohhran Secretary hnenah in report tur a ni. Registration Fee Rs. 100/- ken tur a ni.

**Director**  
**Synod Revival**

### ADVERTISEMENT

Council for World Mission(CWM) hnuia Congregational Christian Church in American Samoa (CCCAS)-ah Higher Secondary School-ah Missionary zirtirtu hna thawk duh tan dil theih a ni. Hmeichhia pasal nei lo (Single), M.Sc (Physics/Chemistry) degree nei tan dil theih a ni a, teaching experience nei leh valid passport nei chu duhsak theih an ni ang.

Standard Application Form siam sa hmangin dil tur a ni a, Form hi Synod Mission Board Office (Synod Office) atangin lak theih a ni. September 18, 2015 (Zirtawpni) thlengin dilna thehluh theih a ni a, September 22, 2015 (Thawhlethni) zing dar 7-ah Synod Office-ah Personal Interview neih tur a ni ang.

**REV. LALCHHUANMAWIA**  
**Secretary**  
**Synod Mission Board**